

B. Eurohpáráđi ministerkomitéa ávžžuhusat got Njuolggadus galgá fuolahuvvot Ruotas

Ministerkomitéa ávžžuhus RecChL(2011)3 mii čilge got Ruotas galgá fuolahit Eurohpáráđi njuolggadusa riikaguovlulaš- dahje unnitlogugielaid

(Dohkkehuvvon Ministerkomitéas, 1123.t čohkkimis ambassadevrraiguin, golggotmánu 12 beavvi 2011)

16 artihkkala jalgii Eurohpáráđi njuolggadusas riikaguovlulaš- dahje unnitlogugielaid; maŋŋilgo leat váldán vuhtii Ruota ávžžuhusa guovvamánu 9 b 2000; maŋŋilgo leat lohkan ekspeartajoavkku árvvoštallama mas čilgejit got Ruotta fuolaha Njuolggadusa; ipmárdusain ahte dát árvvoštallan lea vuođđuduvvon Ruota dieđihuvvon dieđuide iežas našuvnnalaš rapportas, lassedieđuin ruotaeiseválddiin, dieđuin mat leat guđđon dohkkehuvvon orgánain ja ovttastusain Ruotas, ja maid dai dieđuide maid Ekspeartajoavku lea ožžon iežas guossástallama bakte; maŋŋilgo lea lohkan ruota eiseválddiid fuomášumiid sisdoalu ektui Ekspeartajoavkku rapportas; Ministerkomitéa ávžžuha ruota eiseválddiid váldit duohtan gait dárkumiid ja fuomášumiid Ekspeartakomitéas ja dohkkeha deháleamosin:

1. nannet oahpahusa gait riikaguovlulaš- dahje unnitlogugielain, go dohkkeha dárkilis ja vuohkkasit hábmejuvvon plána, mii lea vuođđuduvvon ságasteddjiid dárbbuide ja gielaid diliide
2. dáhkidit dan ahte “eatnigiela” oahpahuš doaibmá Njuolggadusa gáibádusa ektui ja fállá buori ja ávkkálaš oahpahusa, vai oahppit olahit dievas lohkan- ja čállindáidui guoskevaš gielain;
3. lasihit guovttegielat oahpahusa suoma- ja sámigielas, ja álggahit guovttegielat oahpahusa meänkielis;

4. cegget heivehuvvon oahpaheaddji- oahpahuš dohkálaš návccaiguin gait riikaguovlulaš- dahje unnitlogugielaid dihte;
5. válbmet oahpponeavvuid gait riikaguovlulaš- dahje unnitlogugielaid.